

**Uunga siunnersuut: Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisaat nr. xx, xx.xxx 2017-meersoq**  
(*Aningaasaqarnermut Akileraartarnermullu Naalakkersuisoq*)

## **pillugu**

### **Aningaasaqarnermut Akileraartarnermullu Ataatsimiititaliap**

#### **siunnersuutip pingajussaaneerreqarneranut**

#### **ILASSUTITUT ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq

Inatsisartunut ilaasortaq Randi V. Evaldsen, Demokraatit, siulittaasup tullia

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Bendt Kristiansen, Inuit Ataqatigiit

Inatsisartunut ilaasortaq Martha Lund Olsen, Siumut

Inatsisartunut ilaasortaq Ineqi Kielsen, Siumut

Inatsisartunut ilaasortaq Kelly Berthelsen, Inuit Ataqatigiit

Ulloq 7. november 2017-imi aappassaaneerinninnerup kingorna inatsisissatut siunnersuummut malitseqartitsissutitut apeqqutit akissutillu tunngavigalugit ataatsimiititaliap siunnersuut misissorpaa.

#### **1. Siunnersuutip imarisaa siunertaalu**

Siunnersuutip aappassaaneerreqarnerani ataatsimiititaliap isumaliutissiissutaa ataatsimiititaliamit innersuussutigineqarpoq.

#### **2. Sassartitsineq siunersuinerlu**

Siunnersuummik suliarinninnerminut atatillugu ataatsimiititaliaq sassartitaqarpoq, tamatumani ilaatigut siunnersuut una tikinneqarluni. Tamatuma kingorna siunnersuutip aappassaaneerreqarnissaanut isumaliutissiissuteqarnerminut atatillugu apeqqutiminut malitseqartitsissutitut aammalu sassartitsinermit siuliani taaneqartumut malitseqartitsissutitut apeqqutigisaminut akissuteqarfigineqarnissani ataatsimiititaliap kissaatigisimavaa. Takuuk tamanna pillugu immikkoortoq.

### 3. Pingajussaaneerinninnissap tungaanut ataatsimiititaliap siunnersuummik suliarinninnera

Aallarniutigalugu ataatsimiititaliamit oqaatigineqassaaq siunnersuut akuerineqassasoq ataatsimiititaliap isumaqatigiittup siunnersuutip aappassaaneerineqarnissaanut isumaliustissiissutimini Inatsisartunut inassutigimmagu aammalu aappassaaneerinninnerup kingorna siunnersuutip Aningaasaqarnermut Akileraartarnermullu Ataatsimiititaliamut innersuuteqqinneqarnissaa qinnutigimmagu, tassa siunnersuutip pingajussaaneerineqarnissaa sioqqullugu apeqqutimi aki-neqarnissaat ataatsimiititaliap kissaatigimmagu. Ataatsimiititaliap apeqqutai Naalakkersuisullu akissutaat **ilanngussaq 1-itut** aamma **2-tut** ilanngunneqarput.

Ataatsimiititaliap aappassaaneerinninnissap tungaanut makkuninnga isumaliutiginninnera aappassaaneerinninnermut atatillugu ataatsimiititaliap siuliani taaneqartutut inassuteqarneranut tunngaviuvoq:

- a) Isumalluutitik atuinermut akitsuusiinissaq sivilisuummik isumaliutigineqarsimavoq – aalisarnermut nutaamik inatsisiliornissatulli sivilisutigingajattumik. Tamatuma saniatigut isumalluutitik atuinermut akitsuusiinissaq naalakkersuinikkut tunngaviummik taperserineqarpoq, tamanna ima paasineqassalluni aalisarsinnaanermik akuersissummik tunineqartut tamarmik inuiaqatigiinnut tunniussaqaqqissasut taamatullu ilaatigut pisortat aalisarnermut tunngasumik allaffissornerannut matussusiissasut.
- b) Makkuli ataatsimiititaliamit aamma isumaliutigineqarput, taakkulu atuisut tungaannit isigalugu paasinarsisinneqarnissaat soqutiginaateqassasoq ataatsimiititaliamit naatsorsuutigineqarpoq:
  - Nutaamik akitsuuseeriaaseqalerneq aalisarnermut, Savalimmiunut Islandimullu sanilliullugu pingasoriaammik qaffasinnerusumik akitsuutitut akiliteqartareertumut, nalornilernermik pilersitsissaaq.
  - 50 mio.-inik iluanaaruteqarneruneq nalorninermik annertunerulersitsissaaq, minnerunngitsumik tamatuma peqatigisaanik akitsuusersueriaatsimik allannguisoqarnerani.
  - Aalisarnermut inatsisissaq nutaaq suli ilisimaneqanngitsoq nalorninermut anner-tusaataaqataassaaq.
  - Siulianut allassimasunut peqatigitillugu oqaatigineqarsinnaavoq Kalaallit Nunanni aalisariutit pisoqalisimaqisut agguaqatigiissillugulu ukiunik 27-inik pisoqaassuseqarlutik, taamaattumillu aalisariutitik nutarterinissaq maanna pisariaqartinneqarluni.
- c) Kiisalu ataatsimiititaliamit isumakuluutigalugu maluginiarneqarpoq siunnersuutip siullermik tusarniaassutigineqartup aalisarnermi akitsuuseeriaatsimut nutaamut allanngortinneqarnerata kingorna tusarniaaneq sivikitsuararsuullunilu ikittuinnarnut ingerlanneqarsimasoq. Tamatuma saniatigut oqaatigineqassaaq inuussutissarsiortut tusarniaanermut akissutini taamatullu inatsisissatut siunnersuummik suliaqarnermi

tunuliaqutaasutut suleqatigiissitaq siunnersuummik suliarinninnermut tunngatillugu isornartorsiuisimmamata.

Naalackersuisut akissuteqaat ima naggaserpaat:

*”Qanorluunniit pisoqaraluartillugu aalisarnermi pisarineqartunik pisuussutininik atuinermi akitsuusersueriaatsitut periuserineqartussatut siunnersuutigineqartoq, maanna atuuttumit Naalackersuisut pitsaanerutippaat, periuserineqartussarmi nutaaq ilaatigut aalisarnermi aningaasaqarnerup allanngorarsinnaaneranut eqaannerummat. Aalisarnermi pisarineqartunik pisuussutininik atuinermi akitsuusersueriaaseq nutarsagaq taamaalilluni aamma aalisarnermik inatsisip allanngorneranut tunngatillugu savitunerrullunilu qajannaannerusussaasutut ilimagineqarpoq. Taamaalilluni aalisarnermi pisarineqartunik pisuussutininik atuinermi akitsuusersueriaaseq aalisarnermut inatsisissamut ikorfartuisuuvoq.”*

Apeqqutininut ilaatigut ilaapput akitsuuseeriaatsimut atuuttumut sanilliullugu akitsuuseeriaasissami siunnersuutikkut saqqummiunneqartumi aammalu 50 mio. kr-inik iluanaaruteqarneruffiusumi nikingassutit. Tamatuma saniatigut sivikitsumik piffissaqartitsilluni tusarniaasimaneq kiisalu aalisarnermut inatsimmut nutaamut atatillugu inatsisissatut siunnersuut Naalackersuisunit qanoq malitseqartitsiffigilersarneqarnerusoq ataatsimiititaliamit apeqqutigineqarput.

Naalackersuisut akissutaannit ataatsimiititaliamit maluginiarneqarpoq iluanaaruteqarnerussutit ilaat annertuut avataasiarluni qaleralinniarnermik avammut tunisanit akitsuutineersuusasut. Tassunga atatillugu ataatsimiititaliamit maluginiarneqarpoq inatsisissatut siunnersuutip tusarniaassutigineqarneranik Naalackersuisut isumaginninnerannut tunngavilersuutigineqarmat piffissakilliorneq kiisalu inatsisissatut siunnersuutininik tunniussinissamut killigitinneqartup eqquutsinneqarnissaa nalinginnaasumik innersuussutigineqarmat. Kingullertut minnerunngitsumilli aappassaaneerinninnissamut akissuteqaamminni Naalackersuisut innersuussutigaat nunatta karsiata isertitassaasa qulakkeerneqarnissaat siunertaralugu inatsisissatut siunnersuutip malitseqartinneqarnissaa isumaliutigineqalersaartoq.

Naalackersuisut akissutaat tunngavigalugu aammalu minnerunngitsumik qaleralinnut akitsuutip annertuumik qaffannerata sunniutissaanik, tassungalu ilanngullugu aalisariutit agguqatigiissillugu pisoqalisimanerujussuat eqqarsaatigalugu inuussutissarsiortut aningaasaqarnikut nammassinnaasaanik Naalackersuisut naliliinerat tusarusullugu ataatsimiititaliaq siunnersiuinissamut aggersaavoq. Kiisalu aalisarnermut nutaamik inatsisiliornerup nassatarisaanik akitsuutit nakkutilliiviginissaannut naleqqussarnissaannullu tunngatillugu inuussutissarsiortunik akuutitsilluni tigussaasumik iliuseqarnissaq ataatsimiititaliamit apeqqutigineqarpoq. Avataaneersunik tusarniaanerup naalernerani tusarniaanermit sivikitsumik piffissaqartitsinerup naammagineqannginnera kiisalu nunatta karsiata oqimaaqatigiiffiunissaanut siunnersuutip akuerineqarnissaata pisariaqarneranik aappassaaneerinninnermut Naalackersuisut akissuteqaataanni tunngavilersuutip naammagineqannginnera ataatsimiititaliamit oqaatigineqarpoq,

tassa taamatut tunngavilersuuteqarneq inatsisissatut siunnersuutip akuerineqarnissaanut tatisisinnaammat.

Ukiuni kingullerni aalisakkat akiisa qaffakkiartornerat sinneqartoortarnerlu innersuussutigalugit aningaasaqarnikkut nammassinnaaneq imaluunniit qaleralinniarnermut aningaasaliinisamat kajumissuseqarnissaq isumakuluutigineqanngitsoq siunnersuineranut atatillugu Naalakkersuisut paasisutissiissutigaa. Aalisarnermut nutaamik inatsisiliornermut atatillugu malitseqartitsinissamat tunngatillugu inuussutissarsiortut suleqatigiissitami akuutinneqarnerat Naalakkersuisut innersuussutigaa. Tamatumalu saniatigut oqaatigalugu akitsuuseeriaaseq eqaatsuusoq, taamaattumillu aalisarnermi isertitat nikerarnerannut naleqqussagaalluni. Inatsisissatut siunnersuutip imarisaata immikkuualuttortaasa paasineqarnissaannut tunngatillugu inuussutissarsiortut ingerlaavartumik oqaloqatigineqartarnerat innersuussutigineqarpoq, tassungalu ilanngullugu oqaatigineqarluni ingerlatsineranut aningaasartuutit allat assigalugit akitsuutit ilanngaatigineqarsinnaatitaammata.

Aningaasanut inatsisip oqimaaqatigiinnissaata anguneqarnissaanut sillimmatinut kontomik atuinerup tunngavilersuutigineqarnerata ataatsimiititaliamit naammagineqannginneranut tunngatillugu tamatuma nalinginnaasumik periuserineqartarnera Naalakkersuisut innersuussutigaa.

Ataatsimiititaliap apeqputai Naalakkersuisullu akissutaat **ilanngussaq 3-tut** aamma **4-tut** ilanngunneqarput.

Akissuteqaatit siunnersuinerlu tunngavigalugit ataatsimiititaliaq isumaqarpoq siunnersuutip itigartinneqarnissaanut tunngavissaqanngitsoq, tassa isumalluutini atuineranut akitsuusiinisamat tunngaviit eqquutsinneqarsimasutut isikkoqarmata. Akitsuuseeriaaserluunniit eqaatsuu-galuarpat ataatsimiititaliaq isumaqarpoq minnerunngitsumik aalisarnermut inatsimmut nutaamut atatillugu akitsuuseeriaatsip nutaap sunniutissaanik pimoorussilluni malitseqartitsiu-malluni inuussutissarsiortunik oqaloqateqarnissaq Naalakkersuisunit pimoorunneqarneru-sariaqartoq. Tamanna assersuutigalugu pisinnaavoq inatsisissatut siunnersuummut atatillugu tunngaviusutut suleqatigiissitami pioreersumi.

Kiisalu ataatsimiititaliaq Naalakkersuisunut ima inassuteqassaaq:

- Inuinnut inuussutissarsiortunulluunniit akitsuuseeriaatsimik nutaamik kalluarneqartus-satut naatsorsuutigineqartunut Naalakkersuisut pimoorussillutik paasisitsiniaanissaat. Ataatsimiititaliamit matumani immikkut eqqarsaatigineqartoq tassaavoq isumalluuti-nik atuineranut akitsuutip qanoq naatsorsorneqartarnissaanik aammalu isumalluutini atuiner-mi akitsuutit akileraartarnikkut qanoq suliarineqartarnissaanik ilitsersorne-qarnissamik pisariaqartitsineq.
- Inuussutissarsiortut malitseqartitsiviusumik oqaloqatigineqarnissaannik Naalakkersui-sut pimoorussillutik suliniuteqassasut, tamatumani aalisarnermut nutaamik inatsisissamat atatillugu suleqatigiissitami peqataasut ilaatinneqarluarsinnaallutik.

#### 4. Ataatsimiititaliap inassuteqaatai

**Ataatsimiititaliami amerlanerussuteqartut Siumup Inuit Ataqatigiillu ilaasortaataat siunnersuut pillugu ima oqaaseqaateqarumapput:**

Paasissutissat siunnersuummik siuliani suliarinninnermi oqaaseqaatigineqartut innersuusutigineqassapput.

**Tamanna tunngavigalugu siunnersuutit Inatsisartunit akuerineqassasoq ataatsimiititaliami amerlanerussuteqartut siuliani taaneqartog inassutigaat.**

**Ataatsimiititaliami ikinnerussuteqartog Demokratit ilaasortaataat** siunnersuut pillugu ima oqaaseqaateqarumavoq:

“Naalakkersuisut aappasaaneerinninnerup pingajussaaneerinninnerullu akornanni akissutaat Demokraatit naammagineqanngilluinnarpoq.

Aalisarnermut inatsimmi inuiaqatigiinnit ataatsimut pigineqartutut isigineqartunik aalisarinnaanermut inuussutissarsiorlutik ingerlatsisut inuiaqatigiinnut akiliuteqartassasut Demokratit isumaqarput. Apeqquut tassaavoq akiliineq taanna qanoq pisassanersoq. Maanna akiliisitseriaaseq matumanilu anguniarneqartog isumaqatiginngilarput. Siunnersuut matumani pineqartog isumarput malillugu ataatsimut isiginnilluni aningaasaqarnermik pilersaarusernerusutut isigaarput, tamatumani akitsuutit qaffasissusissaat qitiusumit aalajangersarneqarlutik – tamatuma inuussutissarsiortunit nammaneqarsinnaanera ilisimanagu. Allatut oqaatigalugu; inuussutissarsiorterup nutartersinnaassusia ilanngullugu eqqarsaatigineqanngilaq aammalu nunarsuup sinneranut unammillersinnaassusia qulakkeerneqarani.

Savalimmiuni periuserineqartog, niuerfinni pissutsinik tunngaveqarnerusoq isumassarsiorfiusariaqaraluartog Demokratit isumaqarput, tamatumani akitsorterussineq aallaavigalugu inuussutissarsiummik ingerlatsisut pisassiissutinut neqerooruteqarsinnaapput. Periuseq taanna aqqutigalugu nalinginnaasumit isertitarineqartartunit nunap karsia 70 mio. kr.-inik amerlanerusunik ukiumi siullermi isertitaqarneruvoq. Tamanna niuernerpalaarnerusumik periusiuvoq, inuussutissarsiorterup unammillersinnaassuseqarneranik qulakkeerisussaq, tamatumalu peqatigisaanik nunap karsiata iluanaaruteqarnissaanik qulakkeerisussaq. Allatut oqaatigalugu maanna siunnersuutigineqartumut sanilliullugu tamanna tamanut iluanaarfiussaq.

Siunnersuutip inuussutissarsiortunut inuiaqatigiillu aningaasaqarnerannut qanoq sunniuteqarnissaa Naalakkersuisunit ilisimaneqarsorinangilaq, Naalakkersuisormi akissutissaqanngilaq. Kiisalu siullermeerinninnermi oqaaseqaatigut innersuusutigaagut. Siunnersuummut taama tunngavilersuuteqarluta itigartinneqassasoq inassutigaarput.”

**Tamanna tunngavigalugu siunnersuut Inatsisartunit itigartinneqassasoq ataatsimiititaliami ikinnerussuteqartup siuliani taaneqartup inassutigaa.**

Taama oqaaseqarluni isumaliutissiissummilu allassimasutut oqaaseqaateqarluni ataatsi-  
miititaliap siunnersuut pingajussaaniigassanngortippaa.

---

Jens Immanuelzen,  
siulittaasoq

---

Randi V. Evaldsen

---

Peter Olsen

---

Bendt B. Kristiansen

---

Martha Lund Olsen

---

Ineqi Kielsen

---

Kelly Berthelsen



INATSISARTUT

Ilanngussaq  
Bilag

1

Aningaasaqarnermut Akileraartarnermullu  
Naalakkersuisoq  
/MAANI

Ulloq: 3. november 2017

J.nr.: 01.31.05-00053

## **Kalaallit Nunaanni aalisarnermi pisarineqartut isumalluutinik atuinnermut akitsuutaat pillugit Inatsisartut inatsisaattut siunnersuut pillugu**

### **Aningaasaqarnermut Ataatsimiititaliap oqaaseqaatai apeqqutaalu:**

Siunnersuutip suliarinissaanut atugassatut naatsorsuinerit paasinartut, aaqqissuussinermi atuuttumi akitsuutinut akiliutinut sanilliullugu siunnersuummi aaqqissuussinermut saqqummiunneqartumi aalisariutinut aalisakkanullu agguataarlugu nikingassutinik, tassungalu ilanngullugu iluanaaruteqarnerunerup qanoq anguneqarneranik takutitsisut amigaatigineqarput. Kiisalu annertuumik allannguuteqartitsinerup kingorna siunnersuutip nukinginnartutut aamalu tusarniarneqartunut pingasuinnarnut tusarniaassutigineqarneranut pissutaasup itisilerneqarnissaa ataatsimiititaliamit kissaatigineqarpoq. Naggataatigullu minnerunngitsumilli aalisarnermut nutaamik inatsisiliornerup allanut sunniutaasa kinguneri qanoq malitseqartinneqarnissaasa erseqqissarneqarnissaa ataatsimiititaliamit kissaatigineqarpoq.

### **Apeqqut 1**

Siunnersuummi saqqummiunneqartumi akitsuuseeriaatsimut sanilliullugu akitsuutinik akileeriaatsimi atuuttumi nikingassutit aalisakkanut aalisariutinullu assigiinngitsunut agguataarlugit qanoq isikkoqarpat? Naatsorsuinnermut nalunaarsuutip akissummut ilanngunneqarnissaa ataatsimiititaliamit kissaatigineqarpoq.

### **Apeqqut 2**

Apeqqummut 1-imut nangissutitut; 50 mio. kr.-inik iluanaaruteqarneruneq qanoq anguneqarpa siunissamilu qanoq ineriartortussatut naatsorsuutigineqarpa?

### **Apeqqut 3**

Sooq siunnersuut annertuumik allannguuteqartinneqarnermi kingorna taama ikitsigisunut nukinginnartutut tusarniaassutigineqarpa?

### **Apeqqut 4**


Aalisarnermut inatsisip nutaap allanut sunniutai siunissami pisuussutinik akitsuusiisarnissamut tunngaviulluinnartussaasut tuarniarneqartunit amerlasuunit erseqqissaatigineqarpoq. Tassunga atatillugu iliuusissat qanoq ittorpiaat Naalakkersuisunit pilersaarutigineqarnerut ataatsimiititaliamit erseqqinnerusumik tusarusunneqarpoq. Aamma Naalakkersuisut

tusarniaanermut akissutitut arlaleriarlutik ima ataatsimut isigalugu akissuteqarnerat eqqarsaatigalugu:

*”Siunnersuummili piunasaqaatit nikisinneqangaatsiassappata aalisarnikkut inatsimmik allannguinermi pisariaqartitsineq naapertorlugu allannguutissanik Naalakkersuisut siunnersuisoqassapput.”*

Apeqqutitut siuliani allassimasunut Naalakkersuisut akissutaat piaartumik kingusinnerpaamillu marlunngorneq ulloq 7. november 2017 kalaallisut dankisullu nassiateqquneqarpoq assilineralu uunga nassiunneqarluni: [saam@ina.gl](mailto:saam@ina.gl).

Ataatsimiititaliaq sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua





Aningaasaqarnermut Ataatsimiititaliaq  
Inatsisartut Allattoqarfiat

Ilanngussaq  
Bilag  
2

Dato: 3. november 2017

Sagsnr.: 2017- 4293

Postboks 1605  
3900 Nuuk  
Tlf. (+299) 34 50 00  
Fax (+299) 32 20 42  
E-mail: tax@nanoq.gl  
www.nanoq.gl

**UKA 2017/95 - Kalaallit Nunaanni aalisarnermi pisarineqartut isumalluutininik atuinnermut akitsuutaat pillugit Inatsisartut inatsisaannut siunnersuummut apeqqutit**

Siunnersuutip Aningaasaqarnermut Ataatsimiititaliami suliarineqarneranut atatillugu Naalakkersuisut pissutsinik arlalinnik akissuteqarnissamut itisiliinissamullu qinnuigineqarput.

Pissutsit makku itisiliivigineqarnissaat kissaatigineqarpoq:

**Apeqqut 1:**

Siunnersuummi saqqummiunneqartumi akitsuuseeriaatsimut sanilliullugu akitsuutininik akileeriaatsimi atuuttumi nikingassutit aalisakkanut aalisariutinullu assigiinngitsunut agguataarlugit qanoq isikkoqarpat? Naatsorsuinnermut nalunaarsuutip akissummut ilanngunneqarnissaa ataatsimiititaliamit kissaatigineqarpoq.

**Akissut:**

*Maanna aalisarnermut akitsuutit atuuttut naapertorlugit iluanaarutissatut naatsorsuutigineqartut, aalisarnermi pisarineqartut isumalluutininik atuinnermut akitsuutaattut periusissiat nutaat akuersissutigineqarneranni iluanaarutissatut ilimagineqartunut sanillersuunneqarnerat takussutissiami tullermi takuneqarsinnaavoq.*

*Takussutissiami takuneqarsinnaasutut aalisarnermi pisarineqartut isumalluutininik atuinnermut akitsuutaanni nutaami avataasiorluni aalisarnermut tunngatillugu, ingammik raajanik qaleralinnillu avammut niuernerme akitsuutininik akiliutit annertuseriarnerannik kiisalu raajanut tulaanneqartunut annikinnerusumik annertuseriaateqarnissaat ilimagineqarpoq. Taakkulu saniatigut aalisakkanut allanut akitsuutininut akiliutit annikinnerusumik appariaateqalaarnissaat ilimagineqarpoq.*

*Taamattaaq sinerissap qanittuani aalisarnermut tunngatillugu raajanut tulaanneqartunut akitsuutininut akiliutit qaffannissaat ilimagineqartoq aalisarnermi pisarineqartut isumalluutininik atuinnermut akitsuutininut takussutissiami takuneqarsinnaavoq. Raajat tulaanneqartut ullumikkut akitsuutininut akiliissutigineqarneq ajornerat akitsuutininut isertitat qaffariaateqarnerannut patsisaavoq. Taamattaaq avaleraasartuunut, nipisat suaannut saarullinnillu qaffariaateqalaarneq takuneqarsinnaavoq.*

*Taamattaaq qaleralinnut tulaanneqartunut akitsuutininut akiliutit*

*appariarnissaat ilimagineqartoq takussutissiami takuneqarsinnaavoq, tamanna 2017-imut sanilliullugu 2018-imi sinerissap qanittuani qaleralinniarnermi ataatsimut pisat taamatut appariarnerannik patsiseqarpoq.*

**Takussutissiaq:** Aalisarnermi pisarineqartut isumalluutininik atuineranut akitsuutissamat siunnersuummut nutaamut atatillugu akitsuutininik isertitassatut ilimagineqartut

Mio.kr.	Akitsuutit atuuttut, akitsuutininik akiliutit	Aalisarnermi pisarineqartut isumalluutininik atuineranut akitsuutissamat siunnersuummut nutaamut atatillugu akitsuutininik akiliutit	Isertitsissutaanerussa tut ilimagisat
<b>Isumalluutininik atuinerami akitsuutissat</b>			
<b>Aalisariutit avataasiortut</b>			
Raajat, avammut tunisat (Sinerissap qanittuani aalisariutit tunisaat ilanngullugit)	185,0	200,3	15,3
<i>Raajat tulaassat</i>	0,0	5,0	5,0
Qalerallit, avammut tunisat	25,0 <sup>a</sup>	55,1	33,2
<i>Qalerallit tulaassat</i>	-	3,2	
Saarullit, avammut tunisat	11,0	7,7	-3,3
<i>Saarullit tulaassat</i>	0,0	0,3	0,3
Suluppaakkat, avammut tunisat	3,0	1,9	-1,1
Kullerit, avammut tunisat	0,7	0,5	-0,2
Sejit, avammut tunisat	0,3	0,1	-0,2
Uiluutit, avammut tunisat	0,0	1,8	1,8
<b>Sinerissap qanittuani aalisariutit, tulaassat</b>			
Raajat	0,0	17,0	17,0
Qalerallit	30,0	23,1	-6,9
Saarullit	0,0	1,3	1,3
Saattuut	0,0	1,8	1,8
Nipisat suaat	0,0	1,3	1,3
<b>Kilumut akitsuut</b>			
<b>Aalisakkanik ikerinnarsiortunik avataasiortuluni aalisarneq</b>			
Avaleraasartuut – kalallit aalisariutaat	38,0 <sup>b</sup>	18,0	0
Avaleraasartuut – nunani allamiut aalisariutaat	-	20,0	
Ammassaar	2,0	1,5	-0,5
Ammassassuit	5,0	3,3	-1,8
Blåhvillingit	0,0	2,3	2,3
Atuisut akiliutaat	12,0		-12,0
<b>Katillugit</b>	<b>312,0</b>	<b>365,2</b>	<b>53,2</b>

a. Avataasiortuluni qaleralinniarnermi avammut tunisanit tulaassanillu akitsuutininik akiliutit tamarmiusut.

b. Avaleraasartuornermi aalisariutit nunatsinneersuunerat nunani allameersuunerallu apequtaatinnagu akitsuutininik akiliutit tamarmiusut.

## **Apeqquut 2:**

Apeqquummut 1-imut nangissutitut; 50 mio. kr.-inik iluanaaruteqarneruneq qanoq anguneqarpa siunissamilu qanoq ineriartortussatut naatsorsuutigineqarpa?

### **akissut:**

*Apeqquut 1-imi takussutissiami allassimasutut, isumalluutininik atuinermi akitsuutissamut siunnersuut 53 mio. kr-it missaanni amerlassusilinnik isertitaqaataanerussasoq ilimagineqarpoq. Mianersortumik periuseqarneq atorlugu iluanaarutaanerussat siunnersuummi 50 mio. kr-inut annertussusilerneqarput.*

*Apeqquut 1-imi takussutissiami takuneqarsinnaasutut, ingammik avataasiorluni aalisarnermit – sinerissap qanittuani raajarniarnermit kiisalu avataasiorluni qaleralinniarnarnermit akitsuutitigut isertitat annertuseriaateqarnissaat.*

*Akitsuutininut akiliutissat aalisakkat ataasiakkaat akiisa ilaattut akiligassangortinneqartarnissaat pissutigalugu, isertikkumaagassat siunissami qanoq ineriartornissaat nalorninarartoqarpoq. Taamaalilluni ineriartornermi nunarsuarmi akit ineriartornerat annertuumik apeqquutaassaaq, taakkulu nikerarsinnaasarpur. Tamannali aamma aalisarnermut akitsuutininut maanna atuuttunut, ilisimariikkatsinnullu atuuppoq. Akitsuuseeriaaserli nutaaq akit nikerarnerannut aarlerinaatikinnerussasoq naliliutaavoq, akitsuuseeriaatsimimi aalisakkat maanna akitsuusersuutaasunit amerlanerusut ilaatinneqarput.*

## **Apeqquut 3:**

Sooq siunnersuut annertuunik allannguuteqartinneqarnermi kingorna taama ikitsigisunut nukinginnartutut tusarniaassutigineqarpa?

### **Akissut:**

*Isumalluutininik atuinermit akitsuutissamut nutaamut siunnersuut, siullermeertumik tusarniaassutigineqareernerata kingorna arlalinnik allannguuteqarfivuog, tusarniaanermummi akissutini siunnersuutip akitsuusersueriaasia, taakku allaffissornikkut aqunneqarnerat kiisalu avataasiorlutik aalisartunut kinguneqatissatut ilimagineqartut annertuumik isornartorsiorneqarput.*

*Piffissaliussassatut killiliussat eqqarsaatigalugit siunnersuut nalinginnaasumik sivilisuumik tusarniaassutigineqarsinnaasimangilaq. Naalakkersuisut taarsiullugu periuseq pillugu siunnersuutip nalimmassarnissaa siunertaralugu, illuatunginut tusarniaanermut atatillugu annertunerpaamik isornartorsiuusunut oqaloqatigiissutigalugu aalajangerput, tamannalu Naalakkersuisut naliliinerat naapertorlugu akitsuusersueriaatsimik pitsaanerusumik illuatungeriinnullu paasinarnerusumik inerneqarpoq.*

*Inatsisissatut siunnersuutit nalinginnaasumik ataasiaannarluni tusarniaassutigineqartarput. Inatsisissatut siunnersuut manna marloriarluni tusarniaassutaavoq; siulleg nalinginnaasumik sivilisuumik tusarniaaneq aappaalu tusarniaanermi isorinninnerpaat naaperiarnissaat siunertaralugu sivikitsumik killilimillu tusarniaaneq. Inatsisissatut siunnersuutip marloriarluni tusarniaassutigineqarnera, taakkunanngalu kingullip killilimmik pinera, siunnersuutip oqartussaagaqaanikkut atuussinnaassutsimigulluunniit amigaateqarneranik takussutissiinnigilaq. Tassungalu atatillugu siunnersuutip saqqummiunneqarnissaa sioqqullugu suleqatigiissitamik inuussutissarsiortunit tamanit sinniisuutitanit akuuffigineqartunik, piffissami sivilisuumi pineqartumi akitsuusersueriaaseq pillugu toqqammavissanik oqaloqatigiissuteqartumik pilersitsisoqarsimanera eqqaamaneqassaaq.*

*Inatsisissatut siunnersuut naluneqanngitsutut nunatta karsianut iluaqutsiisumik aalisarnermi pisuussutinik akitsuusersuinerup annertusineranik kinguneqarmat, inatsisissatut siunnersuutip*

*anguniagai suleqatigiissitami peqataasunit tamanit kingorna taperserneqannginnera tupigusuutissaanngilaq.*

*Taamaammat ataatsimut isigalugu inatsisissatut siunnersuut saqqummiunneqartoq immikkoortumi aningaasatigut soqutigisanik annertuunik isummanillu assigiinngitsunik akuutitsiviusumik periutsit malillugit suliamik ersersitsisuuneranik Naalackersuisut isumaqarput.*

#### **Apequt 4:**

Aalisarnermut inatsisip nutaap allanut sunniutai siunissami pisuussutininik akitsuusersuariaatsimut tunngaviulluinnartussaasut tuarniarneqartunit amerlasuunit erseqqissaatigineqarpoq. Tassunga atatillugu iliuusissat qanoq ittorpiaat Naalackersuisunit pilersaarutigineqarnerut ataatsimiititaliamit erseqqinnerusumik tusarusunneqarpoq. Aamma Naalackersuisut tusarniaanermut akissutininut arlaleriarlutik ima ataatsimut isigalugu akissuteqarnerat eqqarsaatigalugu:

*”Siunnersuummili piumasaqaatit nikisinneqangaatsiassappata aalisarnikkut inatsimmik allannguinermi pisariaqartitsineq naapertorlugu allannguutissanik Naalackersuisut siunnersuisoqassapput.”*

#### **Akissut:**

*Aalisarnermi pisarineqartuninik pisuussutininik atuinermi akitsuusersuariaatsimut nutaamut siunnersuut aalisarnermut inatsimmik maanna atuuttumik aallaaveqarluni suliaavoq, aalisarnermimi pisarineqartuninik pisuussutininik atuinermi akitsuusersuariaatsimik nutaamik suliaqarnermi, aalisarnermut inatsimmik allannguiniarluni sulinermut ataqatigiissaarineq pisinnaasimangimmat.*

*Aalisarnermik inatsisissamut nutaamut siunnersuummik UKA2017-imi saqqummiussinissaq Naalackersuisut naatsorsuutigaa. Inatsisissatut siunnersuut taanna suli naammassillugu suliarineqanngilaq, qanorluunniillu pisoqaraluartillugu taanna aatsaat UPA2018-imi akuersissutigineqarsinnaavoq. Tamatumalu saniatigut inatsisissatut siunnersuut tip taassuma akuersissutigineqarnissaa sioqqullugu Inatsisartut allannguutissanik kissaateqarnissaat ilimanartutut isigineqartariaqarpoq. Taamaalilluni aalisarnermut inatsimmut nutaamut siunnersuut siusinnerpaamik ulloq 1. januar 2019-imi atuutilersinnaassaaq. Aalisarnermi pisarineqartuninik pisuussutininik atuinermi akitsuusersuariaatsimut inatsisissatut siunnersuut maanna saqqummiunneqartoq ulloq 1. januar 2018 aallarnerfigalugu atuutilissaaq. Taamaalillunilu inatsisissatut siunnersuutit taakku marluk ulloq atuutilerfissaat ukiumik ilivitsumik assigiinngissuteqarpoq.*

*Aalisarnermut inatsisissap inaarutaasup qanoq isikkoqarnissaa annertunerusumik paasineqartinnagu aalisarnermi pisarineqartuninik pisuussutininik atuinermut akitsuusersuariaatsimik inatsisissatut siunnersuummut maanna saqqummiunneqartumut sukumiisumik allannguinnissap pilersaarusiornera pisinnaanngilaq.*

*Aalisarnermut inatsit aalisarnermi isertitanik annertuumik allannguissappat Nunatta Karsiata isertitai qulakkeerniarlugit taarsiutaasussanik siunnersuutininik saqqummiussinissap Naalackersuisunit eqqarsaatersuutigineqarnissaa pissusissamisuussaaq.*

*Qanorluunniilli pisoqaraluartillugu aalisarnermi pisarineqartuninik pisuussutininik atuinermi akitsuusersuariaatsitut peruserineqartussatut siunnersuutigineqartoq, maanna atuuttumit Naalackersuisut pitsaanerutippaat, peruserineqartussarmi nutaaq ilaatigut aalisarnermi aningaasaqarnerup allanngorarsinnaaneranut eqaannerummat. Aalisarnermi pisarineqartuninik pisuussutininik atuinermi akitsuusersuariaaseq nutarsagaq taamaalilluni aamma aalisarnermik inatsisip allanngorneranut tunngatillugu savitunerullunilu qajannaannerusussaasutut ilimagineqarpoq. Taamaalilluni aalisarnermi pisarineqartuninik pisuussutininik atuinermi*

*akitsuusersueriaaseq aalisarnermut inatsisissamut ikorfartuisuuvoq.*

*Taamaalillunga ataatsimiititaliap apeqqutaasa akisimanissaat neriutigaara.*

Ikinngutinnersumik inuulluaqqusillunga

  
Aqqaq B. Ege



INATSISARTUT

Aningussaq  
Bilag  
3

## Aningaasaqarnermut Akileraartarnermullu Naalackersuisoq

Ulloq: 9. november 2017

J.nr.: 01.31.11-000xx

### Aningaasaqarnermut Akileraartarnermullu Ataatsimiititaliamit sisamangornermi ulloq 09. november 2017, nal. 16.00-17.00 ataatsimiittarfik Erling Høeghimi siunersiorneqarnissamut aggeqqusissut.

UKA 2017/95 pillugu Inatsisartut suleriaasianni § 19 naapertorlugu siunersiorneqarnissamut Aningaasaqarnermut Akileraartarnermullu Naalackersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

#### Aningaasaqarnermut Ataatsimiititaliap oqaaseqaatai apeqqutaalu:

Immikkoortoq 95 pillugu ataatsimiititaliap 3. november apeqqutaanut Naalackersuisut akissutaat ataatsimiititaliamit tiguneqarput.

Tassunga atatillugu aammalu ulloq 14. november pingajussaaneerinnilerneq eqqarsaatigalugu apeqqutit sisamat malitseqartitsissutaasut uku pillugit siunersiuinissaq ataatsimiititaliamit kissaatigineqarpoq:

- 1) Naatsorsuineq pillugu takussutissiami takuneqarsinnaavoq 50 mio. kr.-inik iluanaaruteqarnerunerup ilarujussua ingammik qalerallit (avataasiornermeersut) avammut tunineqarneranni akitsuutit annertuumik qaffanneranneersoq. Taanna 25 mio. kr.-init 55 mio. kr.-inut qaffariarpoq. Qaleralinniarnermut sunniutaanik aammalu inuussutissarsiortut 1) aalisarnermik ingerlatsiinnarsinnaanerminnut aammalu 2) aalisariutiminnut aningaasalersueqqinnissaminnut naammattumik sinneqartooruteqarnissaminnut periarfissaannik kiisalu siunnersuutip allatigut sunniutaanik Naalackersuisut naliliinerat ataatsimiititaliamit tusarusunneqarpoq.
- 2) Aalisarnermut inatsimmik nutaamik akuersissutiginninnerup kingorna malitseqartitsinissaq pillugu apeqqummut Naalackersuisut akippit ”nunatta karsiata isertitai qulakkeerniarlugit” malitseqartitsisoqartoq. Nunatta karsiata isertitai kisiisa Naalackersuisut innersuussutigimmatigit ataatsimiititaliamit toqqissisimanartinneqanngilaq. Inatsimmik taama pingaaruteqartigisumik piareersaalluni sulinermi susassaqtut pisariaqarneratut annertussusilimmik akuutinneqarnissaat ataatsimiititaliamit pingaartinneqarpoq. Qanorluunniit pisoqaraluarpat inuussutissarsiortut isertitaqarsinnaassusiannut aalisarnermut inatsisip allanngortitsineranut sanilliullugu akitsuuseeriaatsip nutaap naleqqussarneqarnissaa pillugu inuussutissarsiortut malitseqartitsilluni oqaloqatiginissaat pingaartinneqartariaqarpoq. 1) akitsuuseeriaatsip allanngortinnerata, 2) akitsuutit annertussusiinik allannguinerup kiisalu 3) aalisarnermut inatsisip nutaap sunniutaasa kingunerisaannik siunnersuutip matuma

nakkutilliiviginissaanut naleqqussarnissaanullu Naalakkersuisut  
inuussutissarsiortunik qanoq oqaloqatiginnillutik akuutitsilersaarnersut  
itisilerneqassasoq ataatsimiititaliamit kissaatigineqarpoq.

- 3) Kalaallit Nunaanni aalisariutit pisoqalisimaqaat agguaqatigiissillugulu ukiunik 27-inik pisoqaassuseqarlutik. Taamaalillutillu akitsuutit maannatut qaffasissuseqartillugit nutartigassanngoreersimallutik. Akitsuutit 300 mio.-it missaannit 350 mio. kr.-it missaannut 50 mio. kr.-inik qaffannerat inuussutissarsiortunut umiarsuarnut nutaanut aningaasaliinissamut kajumissuseqarnerulersitsissasoq Naalakkersuisunit nalilerneqarpa? 50 mio. kr.-it konto pingaarnermi 24.13.50-imi, akileraartarnermi akitsuusiisarnermilu isertitaqarnerulernissamut sillimmatinut tunngasumi, sillimmatitut immikkoortinneqartut atugassiissutigineqarnissaannut aalisarnermut inatsit nutaaq qanoq sunniuteqartussatut Naalakkersunit naatsorsuutigineqarpa?

Inatsisissatut siunnersuummi oqartussat suliniaqatigiiffiit il. il. Tusarniaavigineqarnerat pillugu immikkoortumi, danskisuuani qupp. 18-imi, isumalluutunik atuinnermut akitsuutip isertitanit akileraaruteqaataasussanit ilanngaatigineqarsinnaanera pillugu KNAPK-p apeqqutaanut akissuteqartoqartoq ataatsimiititaliamit oqaatigineqassaaq.

Kalaallisuuani taassuma akissutaa siullermeerinninnermi ersernerluttutut isigineqarpoq:  
*"Naalakkersuisut maluginiarpaat, aalisakkanut akitsuutit, aningaasartuutitulli allatut, isertitanik akileraarnikkut ilanngaataasinnaasassasut."*

- 4) Taamaattumillu ersarissumik akissuteqartoqarnissaa pisariaqartoq ataatsimiititaliaq isumaqarpoq – ilanngaatigineqarsinnaatitaappat imaluunniit naamik?"

Suliap ingerlanneqarnerani pissutsit makku ataatsimiititaliamit naammagineqanngillat:

- a) Akitsuuseeriaatsimik annertuumik allannguinerup kingorna susassaqtunut pingasuinnarnut nukinginnartumik tusarniaasimaneq.
- b) Aappassaaneerinninnissamut akissuteqaammi tunngavilersuummi ima allassimavoq "Isertitaqarnerussutissat aningaasanut inatsisissatut siunnersuutip pingajussaaneerineqarnerani atortussanngortinneqarnissaa naatsorsuutigineqarpoq, tamannalu 2018-imut aningaasanut inatsisissatut siunnersuutip oqimaatigiissinnissaanut pingaarutilimmik toqqammaviussaaq." Aningaasat akilersinniarnissaannut suli inatsisitigut tunngavissaqanngitsut ilanngullugit naatsorsuutigineqarnerat tunngaviusumik isigalugu akisussaassuseqannginnertut ataatsimiititaliamit isigineqarpoq. Taamaaliornikkut isumalluutunik atuinnermut akitsuut pillugu inatsisissatut siunnersuutip aningaasat piinnarlugit akuersissutigineqarnissaa aarleqqutigineqarsinnaavoq, tassa aalisarnermut inatsisissamut ataqatigiissinneqarani.

Naalakkersuisumik siunnersiunermini allanik aamma apeqquteqarnissani ataatsimiititaliap naatsorsuutigaa.


-----

Ataatsimiititaliap Naalakkersuisumik siunnersiunerata Naalakkersuisup ataatsimiititaliallu akornanni pingaarnersiulluni tullerriarinerit anguniakkallu pillugit naalakkersuinnermut

tungasumik oqaloqatigiinnertut sapinngisamik iluseqartinneqartarnissaa  
Aningaasaqarnermut Ataatsimiititaliamit anguniarneqarpoq. Taamatut oqallinneq  
ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu  
ataatsimiititaliap Naalakkersuisumik siunersiuineranut atatillugu pissarsisinneqarnissani  
ataatsimiititaliap kissaatigaa. Allakkiap kingusinnerpaamik ataatsimiititaliap  
Naalakkersuisumik siunersiuinerata kinguninngua uunga nassiunneqarnissaa  
qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalakkersuisumik  
siunersiuineranut nassarneqarpat atorneqarpallu taassuma nuutinnera ataatsimiititaliap  
Naalakkersuisumik siunersiuinerata aallartinnerani ataatsimiititaliap oqalutnaan  
ataatsimiititaliallu allattaanut tunniuteqquneqarpoq.

Med venlig hilsen



Jens Immanuelson  
Formand for Finans- og Skatteudvalget





Aningaasaqarnermut Naalakkersuisoq  
/Maani

Ilanngussaag  
Bilag  
4

**Uunga siunnersuut: Kalaallit Nunaanni aalisarnermi pisarineqartut isumalluutininik atuinermut akitsuutaat pillugit Inatsisartut inatsisaat nr. xx, xx.xxx 2017-meersoq (UKA 2017/95) pillugu isumasioqatigiinnissamut aggeqqusissut**

Dato: 9. november 2017

Sagsnr.: 2017-4293

Aningaasaqarnermut Akileraartarnermullu Ataatsimiititaliap Aningaasaqarnermut Akileraartarnermullu Naalakkersuisoq **sisamangornermi ulloq 9. november nal. 16.00 – 17.00** Inatsisartut ataatsimiititalianut ataatsimiittarfianut 1-imut isumasioqatigiumallugu aggersarpaa.

Postboks 1605  
3900 Nuuk  
Tlf. (+299) 34 50 00  
Fax (+299) 32 20 42  
E-mail: oed@nanoq.gl  
www.nanoq.gl

Aningaasaqarnermut Akileraartarnermullu Ataatsimiititaliap UKA2017/95-imik suliarinninnerminut atatillugu ulloq 3. november Naalakkersuisunut arlalinnik apeqquteqarpoq. Naalakkersuisut taakkuninnga akissuteqaataannut tapiliullugu Aningaasaqarnermut Akileraartarnermullu Naalakkersuisup isumasioqatigiinnermi malitseqaataasunik apeqqutinik allanik akissuteqarnissaa Aningaasaqarnermut Akileraartarnermullu Ataatsimiititaliap qinnutigaa:

Apeqqutit tulluuttut akineqarnissaat/itisiliivigineqarnissaat kissaatigineqarpoq:

1. Naatsorsuineq pillugu takussutissiami takuneqarsinnaavoq 50 mio. kr.-inik iluanaaruteqarnerunerup ilarujussua ingammik qalerallit (avataasiornermeersut) avammut tunineqarneranni akitsuutit annertuumik qaffanneranneersoq. Taanna 25 mio. kr.-init 55 mio. kr.-inut qaffariarpoq.

**Qaleralinniarnermut sunniutaanik aammalu inuussutissarsiortut 1) aalisarnermik ingerlatsiinnarsinnaanerminnut aammalu 2) aalisariutiminnut aningaasalersueqqinnissaminnut naammattumik sinneqartooruteqarnissaminnut periarfissaannik kiisalu 3) qaffaanagerup sunniutaanik Naalakkersuisut naliliinerat ataatsimiititaliamit tusarusunneqarpoq.**

**Akissut:**

*Avataasiorlutik qaleralinniat akitsuusiinermik nammassinnaassusaat ataatsimiititaliap apeqqutitaa.*

*Ukiuni kingullerni avataasiorlutik qaleralinniat aningaasarsiorluartut Naalakkersuisut naliliipput. TAamaalilluni qalerallit avammut niuerutigineqarneranni akit ukiuni arlalinnigortuni aalaakkaasumik qaffasissumut inissisimapput, tamannalu aalisartut nalinginnaasumit annertunerusumik sinneqartooruteqarnerannut ilapittuivoq.*

*Ullumikkut akit annikitsumik qaffariartorput, avataasiorlutillu qaleralinniat akitsuummik qaffaanermik nammataqarsinnaanerat isumalluutinillu atuinermi akitsuutip atuutilernerata kingorna aningaasaleqqinnissamut aalisariutillu nutarternissaannut atugassanik aalisarnerup suli naapertuuttumik sinneqartoorfiusumik ingerlanneqarsinnaanera Naalakkersuisut naliliutigaat.*

2. Aalisarnermut inatsimmik nutaamik akuersissutiginninnerup kingorna malitseqartitsinissaq pillugu apeqqummut Naalakkersuisut akipput "nunatta karsiata isertitai qulakkeerniarlugit" malitseqartitsisoqartoq.

Nunatta karsiata isertitai kisiisa Naalakkersuisut innersuussutigimmatigit ataatsimiititaliamit toqqissisimanartinneqanngilaq. Inatsimmik taama pingaaruteqartigisumik piareersaalluni sulinermi susassaqartut pisariaqarneratut annertussusilimmik akuutinneqarnissaat ataatsimiititaliamit pingaartinneqarpoq. Qanorluunniit pisoqaraluarpat inuussutissarsiortut isertitaqarsinnaassusiannut aalisarnermut inatsisip allanngortitsineranut sanilliullugu akitsuuseeriaatsip nutaap naleqqussarneqarnissaa pillugu inuussutissarsiortut malitseqartitsilluni oqaloqatiginissaat pingaartinneqartariaqarpoq.

**1) akitsuuseeriaatsip allanngortinnerata, 2) akitsuutit annertussusiinik allannguinerup kiisalu 3) aalisarnermut inatsisip nutaap sunniutaasa kingunerisaannik siunnersuutip matuma nakkutilliiviginissaanut naleqqussarnissaanullu Naalakkersuisut inuussutissarsiortunik qanoq oqaloqatiginnillutik akuutitsilersaarnersut itisilerneqassasoq ataatsimiititaliamit kissaatigineqarpoq.**

#### **Akissut:**

*Aallaqqaasiullugu aalisarnermi isumalluutinik atuinermi akitsuut pillugu inatsisissatut siunnersuutip suleqatigiissitami, ilaatigut aalisarnermi suliffeqarnermilu illuatungiliuttut, aningaaseriviit kiisalu Aalisarnermut Piniarnermullu Naalakkersuisoqarfiup taamatullu avataanit immikkut ilisimasallit akuutillugit sukumiisumik suleqatigiissitami sulinermik aallaaveqarnera eqqaasitsissutigissavara. Suleqatigiisitap sulinera nalunaarusiamik annertuumik inerneqarpoq, taannalu inatsisissatut siunnersuutip maanna suliarineqartup annertuumik toqqammavigaa.*

*Tamatumalu saniatigut inatsisissatut siunnersuut marloriarlugu tusarniaassutaavoq.*

*Pisuussutinik atuinermi akitsuusersueriaasissatut siunnersuutigineqartoq savituujuvoq, taamaalillunilu aalisarnermi isertitat nikerarnerannut naleqqussagaalluni. Akit appasikkaangasa akitsuut aamma appasittarpoq. Taamaalilluni aalisarnermi isumalluutinik atuinermi akitsuutissaq aalisarnermut inatsisissamut ikorfeereerpoq.*

*Naalakkersuisut aalisarnermik inuussutissarsiortunik ingerlaavartumik attaveqarput, taamaalillutalu kingullermik KNAPK-p inatsisissatut siunnersuutitta ilaanik paasinerluisimanera malugaarput, tassami*

tunngaviusumik akitsuummut aalisarnermilu isumaluutinik atuinermi akitsuummik akiliisarnissaq inatsisimmi siunertarineqanngilaq, taakku arlaat ataaseq kisimi akilerneqartartussaavoq, tassani tunisinermut akip kiilumut 8 kr-imik qaffasinnerunera apeqqutaatillugu. Tunisinermi aki kiilumut 8 kr-imit qaffasinnerutillugu, tunisat nalinganit 5 procentimik aalisarnermi isumaluutinik atuinermi akitsuummik akiliisoqartassaaq. Tunisinermili aki kiilumut 8 kr-it ataaniikkaangat, taamaallaat tunngaviusumik akitsuummik, kiilumut 0,05 kr-imik akiliisoqartassaaq.

3. Kalaallit Nunaanni aalisariutit pisoqalisimaqaat agguaqatigiissillugulu ukiunik 27-inik pisoqaassuseqarlutik. Taamaalillutillu akitsuutit maannatut qaffasissuseqartillugit nutartigassanngoreersimallutik.

**Akitsuutit 300 mio.-it missaannit 350 mio. kr.-it missaannut 50 mio. kr.-inik qaffannerat inuussutissarsiortunut umiarsuarnut nutaanut aningaasaliinissamut kajumissuseqarnerulersitsissasooq Naalackersuisunit nalilerneqarpa?**

**50 mio. kr.-it konto pingaarnermi 24.13.50-imi, akileraartarnermi akitsuusiisarnermilu isertitaqarnerulernissamut sillimmatinut tunngasumi, sillimmatit immikkoortinneqartut atugassiissutigineqarnissaannut aalisarnermut inatsit nutaaq qanoq sunniuteqartussat Naalackersunit naatsorsuutigineqarpa?**

#### **Akissut:**

*Akitsuutit annertussusaannik 50 mio. kr.-inik qaffaaneq pingaarnertut raajat qalerallillu aalisariutinit tunisassiortunit, ukiuni kingullerni annertuumik iluanaarutissiinernut raajarniutinillu uutiterivilinnik nutaanik aningaasaliinissamut inissaqartumik sinneqartoorsimasut, toqqaannartumik avammut tunineqartut akitsuutaannik qaffaanermik patsiseqarpoq.*

*Akitsuutit annertusinerat periarfissanik taakkuninnga annertuumik sunniuteqassanngitsoq Naalackersuisut naliliutigaat.*

*GrønlandsBankip tusarniaanermut akissummini inuussutissarsiortut umiarsuarnik nutaanik aningaasalersuinissamut periarfissaannik aarleqquteqarneq eqqaanngikkaa ilanngullugu maluginiarquara. Akerlianik aningaaseriviup akitsuummik aaqqissuissinerup pisarillisarneqarnissaa qinnutigaa, tamannalu tusaaniarlugu iluarsivigineqaqqammivoq.*

4. Inatsisissatut siunnersuummi oqartussat suliniaqatigiiffiit il.il. tusarniavigineqarnerat pillugu immikkoortumi, danskisuuani qupp. 18-imi, isumaluutinik atuinermut akitsuutip isertitanit akileraaruteqaataasussaanut ilanngaatineqarsinnaanera pillugu KNAPK-p apeqqutaanut akissuteqartoqartaq ataatsimiititaliamit oqaatineqassaaq.

Kalaallisuuani taasuma akissutaa siullermeerinninnermi ersernerluttutut isigineqarpoq:

*"Naalakkersuisut maluginiarpaat, aalisakkanut akitsuutit, aningaasartuutitulli allatut, isertitanik akileraarnikkut ilanngaataasinnaasassasut."*

Taamaattumillu ersarissumik akissuteqartoqarnissaa pisariaqartoq ataatsimiititaliaq isumaqarpoq – ilanngaatigineqarsinnaatitaappat imaluunniit naamik?"

**Akissut:**

*Taanna erseqqissumik ima akilara: Isumalluutininik atuinermut akitsuut, ingerlatsinermini aningaasartuutit allat tamaasa assigalugit, isertitanut akileraarusigassaataasunut ilanngaatigineqarsinnaavoq.*

5. Suliap ingerlanneqarnerani pissutsit makku ataatsimiititaliamit naammagineqanngillat:

- 1) Akitsuuseeriaatsimik annertuumik allannguinerup kingorna susassaartunut pingasuinnarnut nukinginnartumik tusarniaasimaneq,
- 2) Aappassaaneerinninnissamut akissuteqaammi tunngavilersuummi ima allassimavoq "Isertitaqarnerussutissat aningaasanut inatsisissatut siunnersuutip pingajussaaneerineqarnerani atortussanngortinneqarnissaa naatsorsuutigineqarpoq, tamannalu 2018-imut aningaasanut inatsisissatut siunnersuutip oqimaaqatigiissinnissaanut pingaarutilimmik toqqammaviussaaq."

Aningaasat akilersinniarnissaannut suli inatsisitigut tunngavissaqanngitsut ilanngullugit naatsorsuutigineqarnerat tunngaviusumik isigalugu akisussaassuseqannginnertut ataatsimiititaliamit isigineqarpoq. Taamaaliornikkut isumalluutininik atuinermut akitsuut pillugu inatsisissatut siunnersuutip aningaasat piinnarlugit akuersissutigineqarnissaa aarleqqutigineqarsinnaavoq, tassa aalisarnermut inatsisissamut ataqatigiissinneqarani.

**Akissut:**

*Kalaallit Nunaanni aalisarnermi isumalluutininik iluaquteqarnermi akitsuusiinissamik siunnersuut ukiuni arlalinni piareersaasiorneqarpoq. Inuiaqatigiit Nunatta Karsianut aalisarnermi pisuussutininik iluaquteqarnermi akitsuut aqqutigalugu naapertuuttumik pissarsinissaata qulakkeerneqarnissaa siunnersuutip pingaarnertut siunertaraa.*

*Siullermeertumik tusarniaanerp kingorna siunnersuummi aqitsuusersueriaatsip allanngortinneqarneranut atatillugu, piffissarititaasoq eqqarsaatigalugu, aammali allannguutaasut aallaavigalugit, tusarniaanermi akissuteqartut avataasiorluni aalisarnermi akitsuusersueriaataaqqartumut sakkortunerpaamik isornartorsiuisunut allannguutigineqartut oqaloqatigiissutigineqarnissaat Naalakkersuisut naliliutigaat.*

*Ilanngullugulu aningaasanut inatsisiliornermi isertitassat missingersuutigineqartarnerata nalinginnaasuunera oqaatigineqassaaq;*

aamma inatsisissatut siunnersuutit pisortatigoortumik akuerineqarnissaat sioqqullugu. Tassunga atatillugu assersuutigalugu konto pingaarneq 20.11.51 aaqqissuusseqqinnerit sunniutaat innersuussutigineqassaaq, tassani 2018-imut aningaasanut inatsisissatut siunnersuummi, 2014-imili aningaasanut inatsisissatut siunnersuutaasartut assigalugit, ilaatigut akileraartarnermut ineqarnermullu tunngasuni inatsisissatut siunnersuutinit suli akuersissutigineqanngitsunit isertitariumaagassanik missingersuusiortarpoq.

Tamanna aamma inatsisissatut siunnersuutinit aningaasartuuteqarfiusussanut atuuttarpoq, takuuk konto pingaarneq 20.11.70 Suliniutinit nutaanut sillimmatit, tassani AIS2018-mi aningaasanik ilinniartut pillugit inatsisissatut siunnersuutip akuerineqarnissaatut ilimagineqartumut aningaasanik illikartitsisoqarpoq, taamatullu aamma pingajussaaneerinninnissami innarluutillit pillugit inatsisissamut nutaamut illikartitsisoqassalluni. Konto pingaarneq 24.13.50 Akileraarutitigut akitsuutitigullu isertinneqarnerusussanut sillimmatit AIS2018-imi sillimmatit aalisarnermi pisinartuutit isumalluutinit iluaquteqarnermi akitsuusersuinerunermut sillimmatit atugassanngortinneqarnissaat erseqqissaatigineqarpoq.

Aningaasanut inatsisit ukiunik sisamani oqimaaqatigiissitsisarmata, isertitassatut ilimagisat aningaasartuutissatullu ilimagineqartut tamarmik aningasaanut inatsisissatut siunnersuutini allassimasarput, takuuk missingersuutit pillugit inatsit. Periuseq taanna aamma ukiuni aggersuni nanginneqartariaqarpoq, ilaatigut "amigartoorujussuarnissatut" taaneqartut qanoq matoorniarneqarnera ataavartumik nalilersinnaajumallugu. Naalakkersuisut taamaalillutik siunissami ukiuni aningaasanik inatsisiliorfiusuni missingersuusiortarfiusunilu isertitassatut aningaasartuutissatullu naatsorsuutigineqartut tamarmik aningaasanut inatsisissatut siunnersuutini takuneqarsinnaasarnissaat kissaatigaat.